

FAKKEL-FLITSE

Weeklikse nuusflitse vir 'n ingeligte Framesby-familie!



UITGawe 236 · 4 JUNIE 2021

Kontakbesonderhede: mediasentrum@framesby.co.za

UIT DIE HOOF SE KANTOOR

Beste Ouers

Ek wil begin deur ons Hemelse Vader te bedank dat hy so mooi na die Framesby-familie kyk. Alle eer aan Hom!

Ek wil graag die volgende belangrike sake onder u aandag bring:

A) COVID 19

Ons het tans sewe positiewe Covid-gevalle in die skool. Hierdie gevalle wat aangemeld word, is dikwels toe te skryf aan faktore buite die skoolomgewing. U, as ouers, sal indringend met u kind(ers) moet gesels oor hul sosiale gedrag. Ek pleit by u dat u hieraan aandag sal gee.

Die nakoming van die Covid-regulasies is van uiterste belang. Om hierdie rede moet u die volgende vier punte deeglik met u kind kommunikeer:

- Dra van maskers.
- Sanitering van hande.
- Sosiale distansiëring.
- Sosiale gedrag.

Ons moet dit ook onder ons leerders se aandag bring dat die nakoming van hierdie maatreëls huis die personeel én ouers beskerm. Kom ons motiveer hulle om hierby te hou.

B) HERBEPLANNING VAN TOETSING

Alle toetse van volgende week, asook eksamens en toetsreekse word as gevolg van die afkondiging van die Minister van Basiese Onderwys herroep. 'n Herskedulering van assessering sal geskied. Hierdie herbeplanning sal volgende week deurgegee word. Die skool gaan dus normaal voort met onderrig. Daarom moet die leerders voltyds by die skool wees.

C) KWARTAALPROGRAM

'n Hernieuwe kwartaalprogram sal ook volgende week deurgegee word.

As skoolhoof bied ek ook my verskoning aan oor enige ongerief wat hierdie veranderings op kort kennisgewing kan veroorsaak. Ek hoop u sal verstaan.

Ek dank u vir u volgehoue ondersteuning. Soos ek dikwels vir u sê: die toekoms van Hoërskool Framesby is blou en goud! Kom ons werk almal saam om dit so te hou.

Vriendelike groete

MARIUS GERMISHUYS
SKOOLHOOF

HIERDIE WEEK SE FAKKEL-FLITSE WORD MET TROTS GEBORG DEUR:
SUNRIDGE VILLAGE



Centre Management:
041 360 9442



Kragga Kamma Road,
Sunridge Park



GENERATED POWER 24/7



MUSIEK NUUS:

FLUITEKSAMEN

Carla Gouws, een van ons matriek musiekleerders, het onlangs haar Trinity graad 6-fluiteksamen afgelê en die puik prestasie van 84% behaal. Baie geluk Carla!



MUURBAL-UITSLAE

- 1stes verloor teen Grey
- 2des verloor teen Grey
- 3des verloor teen VP
- 4des verloor teen Westering



FRAMESBY KLEREWINDEL



**PUMA
“HOODIE”
R700**

DAAGLIKS OOP VAN 08:00 - 10:00



Centre Management:
041 360 9442



Kragga Kamma Road,
Sunridge Park




GENERATED POWER 24/7



Hoërskool Framesby

DIE PLEK OM TE WEES!



Waardegedreve skool wat spog met uitnemende sport, kultuur en akademie.

BUSDIENS VANAF 2022

Private en veilige busdiens, Maandae tot Vrydae vanaf Uitenhage/Despatch na Hoërskool Framesby. Die bus vertrek soggens en laai die leerders na sport- en kultuur-oefeninge af.

Vanaf R1 600 tot R2 000 p.m.

NUWE VAKKE OP DIE HORISON

Die afgelope tien jaar spog Framesby met 'n slaagsyfer van 98,9%. In 2020 spog die skool met 'n 99%-slaagsyfer, 95% van die matriekgroep kan verder aan 'n tersiêre instelling gaan studeer waarvan 83% graadstudies kan doen en 12% kwalifiseer vir diplomastudies. Ons top student spog met 'n gemiddeld van 92,3% en sewe onderskeidings. Sy is ook aangewys as die derde beste leerder in die Port Elizabeth-distrik en het 'n volle beurs vir die duur van haar studies by die premierskantoor ontvang. Die volgende vakke is op die horison: Landbou, Kodering, Robotika en Visuele Kuns.

VOLG ONS OP



Vir verdere besonderhede kontak die hoof by 062 251 8966

041 360 1257 | skoolhoof@framesby.co.za | www.framesby.co.za

STUDENTESENTRUM VORDERING:



EINDPRODUK



INGEBRUIKNEMING: 26 Julie 2021

FRAMESBY OUDSKOLIERE



ONS GESELS MET: ILSE VAN NIEKERK



Ilse van Niekerk

Ek het nogals geskrik toe ek uitwerk dat ek 37 jaar gelede op die skoolbanke gesit het. Dit laat my dink aan ons 35-jaar reünie toe twee vrouens ingestap het en die een vir die ander gesê het: "Nee jitte, ons is op die verkeerde plek. Hier is net 'n spul ou tannies." Nodeloos om te sê, het sy gou agterkom sy wél op die regte plek is en dat die ou ooms en tannies haar eie vriende was!

Ek het in 1984 gematrikuleer en dit voel maar soos 'n oogknip gelede. Ek is getroud en het twee seuns. Na skool het ek BA (LLB) aan die Stellenbosch Universiteit gestudeer, waarna ek vir vyftien jaar as prokureur gepraktiseer het. Daarna het ek Maatskaplike werk deur Unisa studeer en in tronke gewerk. Maar uiteindelik het ek teruggekeer na my eerste liefde, naamlik om toneel te speel en het by ACT Cape Town 2017-2018 gaan studeer. Ek het onlangs 'n rol in die kortfilm, Ekstasis gespeel. Dit was deel van die amptelike seleksie by vier internasionale filmfeeste naamlik Flickers' Rhode Island Internasionale Filmfees 2020, New Renaissance Filmfees Amsterdam, Nederland 2021, Toronto Women Filmfees 2021 en die Berlyn Lift-Off Filmfees 2021. Vroeër vanjaar het ek 'n rol in Seisoen 3 van Die Byl gespeel en is later vanjaar te siene in 'n Silwerskerm kortfilm asook nog 'n televisie reeks.

Julle vra wat ek die meeste mis van skool? Ek dink dit is om deel te kon wees van 'n huis weg van jou eie huis. By Framesby het ons gevoel asof die onderwysers en kinders aan ons kant was en net die beste vir ons wou hê. Daar was altyd iemand wat jou help lichter dra het aan die lewe of wat hartsbly was wanneer dinge goed gegaan het. Of wat jou aangemoedig het wanneer jy self al moeg en moedeloos was. Al het almal nie noodwendig dieselfde idees en oortuigings gehad nie, kon jy altyd weet dat jou beste belang op die hart gedra word. Framesby was ook nie een van daardie skole wat net gefokus het op akademie of sport nie – natuurlik was dit belangrik, maar Framesby was 'n ruimte waar enige belangstelling uitgeleef kon word en van waarde geag is.

Op 'n heel ander vlak verlang ek terug na die dae toe die pad nog oop voor my gelê het. Met elke keuse wat mens in die lewe maak, kies jy mos om deur 'n spesifieke deur te loop, maar draai dan ook noodwendig en terselfdertyd jou rug op al die ander deure. Terwyl jy op skool is, lê die hele huis vol deure met moontlikhede nog oop en kan mens wild droom – jy sien ver bo-oor die rante van die hoë berge. Maar dan herinner ek my ook daaraan dat daar vandag ook nog tyd en ruimte is vir nuuskierig wees oor splinternuwe ervaringe.

My pa het altyd vir ons aan Lyons se woorde herinner: Yesterday is a cancelled cheque, tomorrow is a promissory note, today is the only cash you have. Spend it wisely!"



OUDSKOLIERE NUUS



Rynier Bernardo

Die Toyota Cheetahs het verlede naweek teen 'n Toyota Uitnodigingspan gespeel. Tydens dié geleentheid het oudskolier, Rynier Bernardo, in die skool se rugbykouse gespeel. Die rasional hier agter is om eer aan die massiewe rol wat skole en skoleafrigters in die rugbylooppante van professionele spelers speel, te bring.

KONTAK ONS GERUS



Framesby spog met soveel oudskoliere wat naskool presteer. Indien jy van iemand weet en graag die persoon vir volgende week se Oudskoliere-berig wil nomineer, kontak ons gerus : mediasentrum@framesby.co.za.

Ons wil graag berigte plaas van al ons oudskoliere, maar benodig hul selfofoonnummer/e-posadres om kontak te maak.

Omdat die skool nie altyd in kennis gestel word van prestasies nie, is die skool nie bewus daarvan nie. Ons weet daar is maar min mense wat iets oor hulself sal instuur, dus vra ons dat indien u van iemand weet wat presteer het, u ons sal kontak. Framesby is trots op al hul oudleerders en wil graag spog met almal se prestasies.

REÜNIES 2021

Op die stadium word daar geen funksies a.g.v. Covid op ons skoolterrein gehou nie. Ons sal reünie-groepe egter op hoogte hou indien reëlungs verander.

Ons vra intussen vir die volgende jaargroepe (1971, 1981, 1991, 2001 en 2011) om foto's en stories aan na mnr. Rauch by wrauch@framesby.co.za te stuur.

Mnr. Rauch beoog om weer 'n gedenkblad vir die jare se reünie-groepe saam te stel. Ons vra ook dat die hoofleiers van elke jaargroep met hom sal kontak maak.



FRAMESBY OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na fos@framesby.co.za sal e-pos:

NAAM EN VAN :

NOOIENSVAN:

ID-NOMMER:

JAARTAL GEMATRIKULEER:

ADRES:

PROVINSIE:

BEROEP:

TELEFOON:

SELFOON NOMMER:

E-POSADRES:

U inligting bly hoogs vertroulik.

Die rede hoekom ons u ID nommer benodig is om te verhoed dat ons duplike op ons sisteem stoor.

UIT DIE ARGIEWE:

2002

Mej. Framesby Semi-Finaliste



Anneli van Heerden



Chri-Marie Vosloo



Danelle Leach



Gabi van Wyk



Janah Hattingh



Leigh-Anne Moss



Lizaan Ferreira



Lizelle van Niekerk



Mari le Roux



Rozelle Viljoen



Suné Kruger




Tiyo Claassen

UIT DIE ARGIEWE:

2002


Mnr. Framesby Semi-Finaliste




Allan Bezuidenhout




André van Staden



Dirk Coetze




Eric Geldenhuys




Jaco Vienings




Jason Nagel




Jeandré Tait




Juan Harker



Tyrone Zeelie



Werner Koen



Werner van Wyk



Zane Herselman


UIT DIE ARGIEWE:




Mnr. en Mej. Framesby 2002

Deur Case van der Touw


Framesby se glans gelcentheid van die jaar is alweer verby en na so 'n klein misverstandjie is die winners ampelik bekend gemaak. Nadat hy eers aangekondig is as eerste prins en dié misverstandjie opgelos is, is Juandré 'Tait gekroon as Mnr. Framesby. Juan Harket is ons eerste prins en Werner van Wyk die tweede prins. By die meisies is Danielle Leach gekroon as Mej. Framesby, terwyl Janah Flattie die eerste prinses is en Ameli van Heerden tweede prinses.



LIZAAN FERREIRA
Mej. Persoonlikheid



SUNÉ KRUGER
Mej. Fotogenies



GABI VAN WYK
Mej. Bene



HAIR &
BEAUTY

HAIR SALON

WASH & BLOW DRY

HAIR TREATMENTS

COLOURING & HIGHLIGHTS

STYLING

BRIDAL STYLING

CUT & TRIMMING

BRAZILLIAN BLOW OUTS

ETHNIC HAIR

MEN'S GROOMING

PENSIONER HAIR TREATMENTS

CHILDREN MOST WELCOME

TERMS & CONDITIONS APPLY

BOOKINGS ESSENTIAL : 041 360 1199

@ SUNRIDGE VILLAGE

